

Broj: 03-04-1646-28/2025
Sarajevo, 03.11.2025. godine

PARLAMENT FEDERACIJE BOSNE I HERCEGOVINE

Predstavnički dom

gđa. Suada Halilović, poslanik ✓
gosp. Ivan Miličević, sekretar

Bosna i Hercegovina Federacija Bosne i Hercegovine PARLAMENT FEDERACIJI SARAJEVO			
Primijeno: 04-11-2025			
Org. jed.	Broj	Priloga	Vrijednost
05/1	-02-	489	125

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam akt Federalnog ministarstva pravde, broj: 02-45-3484/25 od 29.10.2025. godine, koji sadrži odgovor na poslaničko pitanje, koje je postavila poslanik Suada Halilović.

S poštovanjem,

SEKRETAR VLADE
dr. sci. Edita Kalajdžić

Prilog: kao u tekstu

BOSNIA AND HERZEGOVINA
FEDERATION OF BOSNIA AND HERZEGOVINA
MINISTRY OF JUSTICE OF FEDERATION OF BOSNIA AND HERZEGOVINA

Broj: 02-45-3484/25
Sarajevo, 29.10.2025. godine

VLADA FEDERACIJE
BOSNE I HERCEGOVINE
SARAJEVO
N/r Gđa. Edita Kalajdžić, tajnik

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

PRIMLJENO:		31-10-2025	
Organizaciona jedinica	Klasifikaciona oznaka	Radni broj	Broj priloga
03-	04-	1646-	28/2025

Predmet: Odgovor na zastupničko pitanje, dostavlja se
Veza: Vaš akt broj: 03-04-1646-28/2025 od 03.10.2025. godine

U svezi sa aktom, broj i datum veze, kojim ste Federalnom ministarstvu pravde dostavili na odgovor zastupničko pitanje gđe. Suade Halilović, zastupnice u Zastupničkom domu Parlamenta Federacije Bosne i Hercegovine, koje se odnosi na korespondenciju Grada Mostara i Federalnog ministarstva pravde u svezi sa Planom prilagodbe deponije Uborak – Buđevci, dostavljamo odgovor kako slijedi:

U prilogu ovog akta dostavljamo u kopiji akt Grada Mostara broj: 02-19-14023/25 od 10.09.2025. godine, kao i odgovor Federalnog ministarstva pravde broj: 02-45-3123/25 od 10.09.2025. godine iz kojih je, u svezi sa predmetnom problematikom, razvidan tijek i sadržaj korespondencije Grada Mostara i Federalnog ministarstva pravde.

S poštovanjem,

Dostavljeno:

1. Naslovu, sa priložima kao u tekstu,
2. a/a.

MINISTAR
Vedran Škobić



**Grad
Mostar**

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKA ŽUPANIJA - KANTON
GRADONAČELNIK

Bosna i Hercegovina
Federacija Bosne i Hercegovine
FEDERALNO MINISTARSTVO PRAVDE
SARAJEVO

PRIMLJENO:		10-09-2025	
Upr. jedinica	Klasifikaciona oznaka	Predmet	Broj prijave
02-45	3123	125	

Dj.broj: 02 - 19 -14023 /25
Mostar, 09. rujna 2025.godine

FEDERALNO MINISTARSTVO PRAVDE

n/p ministar

PREDMET: Zahtjev za mišljenjem

Cijenjeni ministre,

Obzirom da je Rješenjem Federalne uprave za inspekcijske poslove Sarajevo broj UP1-10-19-3-02379/2025-1006-7 od 6.8.2025. godine, između ostaloga, **zabranjeno odlaganje** miješanog komunalnog otpada **na prostoru tzv. sedla** koje se nalazi uz kasetu 1+3 deponije bez odobrenja nadležnog ministarstva ili pribavljene okolišne dozvole a da je Planom prilagođavanja/prilagodbe upravljanja otpadom za regionalnu deponiju Uborak-Budevci sačinjenog od J.P. Deponija doo Mostar iz studenog 2020. godine, sačinjenog temeljem članka 55. Zakona o upravljanju otpadom FBiH (Sl.novine FBiH 33/03, 72/09 i 92/17) te temeljem članka 1. Pravilnika o sadržaju Plana prilagođavanja upravljanja otpadom za postojeća postrojenja za tretman ili odlaganje otpada i aktivnostima koje poduzima nadležno tijelo (Sl.novine FBiH 9/05) kojim se uređuje sadržaj Plana prilagođavanja/prilagodbe upravljanja otpadom za postojeća postrojenja za tretman ili odlaganje otpada za koje je potrebna okolišna dozvola određeno da se odlaže miješani komunalni otpad i na lokalitet tzv. sedla u sklopu dozvoljenog proširenja deponijskog polja do zakonom predviđenih 25% postavlja se potreba za tumačenjem može li se kroz postupanje federalne inspekcije revidirati konačan i pravomoćan upravni akt kakav je Plan prilagođavanja/prilagodbe.

Dakle, nepravomoćnim rješenjem federalne inspekcije zabranjena je radnja koja je konačnim i pravomoćnim aktom kakav je Plan prilagođavanja explicite dozvoljena – odlaganje otpada na sedlu, pa nam je potrebno Vaše tumačenje ove pravne situacije obzirom da je Plan prilagođavanja suđen u meritumu i održan na snazi u upravnom sporu od strane Županijskog suda u Sarajevu (Presuda broj 09 0 U 044118 23 U od 18.10.2023.) i Vrhovnog suda FBiH (Presuda broj 09 0 U 044118 23 Uvp od 7.3.2024.) te da je isti odobren pravomoćnim rješenjem od strane Federalnog ministarstva okoliša i turizma.

Stoga molimo da u skladu s Vašim nadležnostima i ovlastima date mišljenje o tome može li se kroz postupanje federalne inspekcije revidirati konačan i pravomoćan akt koji je prošao prednje opisanu proceduru, a kakav je Plan prilagođavanja/prilagodbe, te da li su organi federalne inspekcije dužni u postupku inspekcijskog nadzora držati se stavova izneseni u presudama (u upravnim sporovima) o konkretnim pravnim stvarima.

Srdačan pozdrav!

Dostaviti :

- Naslovu
- Odjel za urbanizam i građevinarstvo
- Tajništvo Gradonačelnika,

Hrvatskih branitelja 2,
88000 Mostar, Bosna i Hercegovina



Tel: +387 36 447 402, Fax: +387 36 447 445
E-mail: grad.mostar@mostar.ba

www.mostar.ba

BOSNIA AND HERZEGOVINA
FEDERATION OF BOSNIA AND HERZEGOVINA
MINISTRY OF JUSTICE OF FEDERATION OF BOSNIA AND HERZEGOVINA

Broj: 02-45-3123/25
Sarajevo, 10.09.2025. godine

GRAD MOSTAR
Gradska uprava grada Mostara
Ulica Hrvatskih branitelja broj 2
88 000 Mostar

11-09-2025

N/r Gdin. Mario Kordić, gradonačelnik

Predmet: Odgovor, dostavlja se
Veza: Vaš akt broj: 02-19-14023/250 od dana 10.09.2025. godine

U svezi sa aktom, broj i datum veze, kojim od Federalnog ministarstva pravde molite odgovor o tome da li su inspekcijski organi dužni u postupku inspekcijskog nadzora poštivati pravna shvaćanja sadržana u presudama sudova u čijoj nadležnosti su upravni sporovi, u okviru propisa iz svoje nadležnosti, u konkretnom Zakona o upravnim sporovima („Službene novine Federacije BiH“, broj 9/05), Federalno ministarstvo pravde daje odgovor kako slijedi:

Iz obrazloženja Presude broj: 09 U 044112 23 Uvp Vrhovnog suda Federacije Bosne i Hercegovine od 07.03.2024. godine (prilog Vašeg akta), kojom je odbijen zahtjev tužitelja Udruge „Jer nas se tiče“ Mostar za izvanredno preispitivanje Presude Kantonalnog suda u Sarajevu broj: 09 0 U 044118 23 U od 18.10.2023. godine, razvidno da je u ovoj pravnoj stvari osporeno Rješenje Federalnog ministarstva okoliša i turizma broj: UP-I-05/2-02-19-5-134/20-1 SM od 27.03.2023. godine kojim je, između ostalog, odobren ažurirani Plan prilagodbe Javnom poduzeću J.P. Deponija d.o.o. Mostar, Vrapčići b.b., Mostar za upravljanje otpadom na regionalnoj deponiji Uborak – Buđevci do konačnog prestanka odlaganja otpada, sanacije i zatvaranja.

Pored navedenog, iz obrazloženja je razvidno da je Federalno ministarstvo okoliša i turizma, prije donošenja Rješenja, a sukladno članku 8. Pravilnika o sadržaju prilagodbe upravljanja otpadom za postojeća postrojenja za tretman ili odlaganje otpada i aktivnostima koje preduzima nadležni organ („Službene novine Federacije BiH“, broj 9/05) osiguralo i činjenice putem zapisnika Federalne uprave za inspekcijske poslove.

Rješenje Federalnog ministarstva okoliša i turizma broj: UP-I-05/2-02-19-5-134/20-1 SM od 27.03.2023. godine potvrđeno je naprijed navedenom Presudom Kantonalnog suda u Sarajevu i preispitano u postupku po zahtjevu za izvanredno preispitivanje sudske odluke pred Vrhovnim sudom Federacije Bosne i Hercegovine, te s tim u svezi ukazujemo na odredbe članka 3. Zakona o upravnim sporovima kojim je propisano da su presude sudova u upravnim sporovima obvezujuće, što podrazumijeva sve pravne subjekte koji su na bilo koji način imali pravni interes ili su bili povezani s okolnostima i pravnim činjenicama koje su bile predmet sudskog odlučivanja, u mjeri u kojoj se na njih odnosi pravomoćno odlučeno pitanje.

S poštovanjem,

MINISTAR

Vedran Škobić

Dostavljeno:
1. Naslovu,
2. a/a.

